

Gvangjsih Minzcuz Bau

广西民族报 ganhhau: CN45-0036 B.2020 Nd.9 Ng.23 liggaeuq gengcej nienz ndwenbet cocaet

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3442 geiz
Geiz neix 8 banj

Bansonlien Cuengh Gun Doxhoiz Bi 2020 Youq Namzningz Banh

9 nyied 14 hauh daengz 18 hauh, Gvangjsih Minzcuz Yijvwnz Yenzgiu Cunghsinh youq Namzningz banh bansonlien Cuengh Gun doxhoiz bi 2020. Gungh miz 44 bouxhag doxcomz daeuj aen bansonlien neix hag fanhoiz, gyoengqde daj Swcigih Minzcunghvej Minzcuz Yijvwnz Cu, Gvangjsih Minzcuz Yijvwnz Yenzgiu Cunghsinh, Aensiz Vahcuengh Sawcuengh Cunghgoz Minzcuz Yijvwnz Fanhyizgiz, Gvangjsih Minzcuz Bause, Gvangjsih Sam Nyied Sam Caczise, Gvangjsih Minzcuz Cuzbanjse daengj

danhvei doxgven daeuj.

Aen bansonlien neix cingj doenghboux lauxcangh Vahcuengh Sawcuengh daeuj hwnjdangz, gyoengqde daj Aensiz Vahcuengh Sawcuengh Cunghgoz Minzcuz Yijvwnz Fanhyizgiz, Gvangjsih Minzcuz Dayoz daengj danhvei daeuj. Gyoengq lauxcangh neix hwnj doenghgij dangz gangj 《Gij Yiengh Coenz Vahcuengh Sawcuengh Miz Maz Doxdoengz Caeuq Doxca》《Gij Fap Faencek Vahcoenz》《Gijyung

Banggunz》《Gij Lijlun Cuengh Gun Doxhoiz Caeuq Yung De Guhhong》《Faencek Caeuq Fanhoiz Coenz Hojnanz》《Baenzlawz Fanhoiz Vah Lai Vah Lw》《Gij Sing Doxhabngamj Fwen Cuengh Fwen Gun Caeuq Baenzlawz Fanhoiz》《Gij Banhfap Fanhoiz Coenz Ruez Coenz Hoj》《Baenzlawz Yung Gij Yonjgen Fanhoiz Sawcuengh Guhhong》daengj; doenghgij sonlien neix habngamj bouxhag caeuq doiq gyoengqde miz-yung h lailai.

(Veiz Cauh)



10 Nyied 31 Hauh Guh Vahcuengh Sawcuengh Suijbingz Gaujsi

Bonjbauq siusik (gicej Veiz Yiveij) 9 nyied 14 hauh, Swcigih Minzcunghvej ok gunghgau, dingh youq 10 nyied 31 hauh youq Cunghgung Nanzningz Siveij Dangjyau guh Vahcuengh Sawcuengh Suijbingz Gaujsi bi 2020.

Mboujguenj saimbwk, gijmaz minzcuz, geijlai nienzgeij, gijmaz yozliz, guh maz hong, vnz dieg lawz, vnz guek lawz daengj, byawz cungj ndaej bauq gauj Vahcuengh Sawcuengh Suijbingz Gaujsi; bouxbauqgauj gag naemj gag dingh, bauqgauj gaep lawz cungj ndaej.

Gauj gijmaz, gijdaeuz de dwg sawq ok gij bonjsaeh bouxgaujsi yung Vahcuengh Sawcuengh, bau-daengz gij cihsiz giekdaj Vahcuengh Sawcuengh, gyoeb sawloih baenz coenz, doeg duenh saw rox eiqsei, Cuengh Gun doxhoiz caeuq raiz faenzcieng daengj. Yiengh gaujsi neix faen cogaep, cungaep caeuq gaugaep 3 gaep, gak gaep cungj aeu bit raiz gaujsi. Yiengh gaujsi neix caemh dagangh(daihgaig gangj gauj gijmaz, baenzlawz gauj), caemh okdaez, caemh dingh geijlai faen gizgwz, caemh guenj siusik caeuq caemh

mbawcingq daengjgaep. Gwnz mbaw gienj ndeu faensoq rim couhdwg 100 faen, gauj ndaej 60 faen couh suenq gizgwz.

Baez gaujsi neix cienzbouh youq gwnz vangj bauqmingz. Boubauqgauj ndaej youq 9 nyied 28 hauh daengz 10 nyied 16 hauh hwnj Gvangjsih Boubcuengh Swcigih Minzcuz Cunghgyau Swvu Veijyenzvei Vangican (<http://mzw.gxzf.gov.cn/>) bae, diemj giz "gwnz vangj bauqmingz gauj Vahcuengh Sawcuengh Suijbingz Gaujsi" haeuj ndaw bae bauqmingz.

SIUSIK DINJ

● Duenh neix, Bwzswz Si Minzcunghvej, Minzyij Cunghsinh gyoebbaenz aen-doih genjcaz, daengz Bwzswz Si Fazgaijvej daengj 20 aen danhvei cienmonz genjcaz gyoengqde ciuq 《Aen Diuz-laeh Hong Vah Saw Siujsiq Minzcuz Gvangjsih Boubcuengh Swcigih》hengz ndaej baenzlawz yiengh, gungh heuh vnz gaij 30 gaiq(aen) baiz(aenyaenq) yung Sawcuengh mbouj doiq, 3 diuz byauhyij yung Sawcuengh mbouj doiq.

(Lij Hungzlanz)

● 9 nyied 18 hauh, Dasinh Yen Vujsanh Yang Vwnhsinh Cunh doenghgij 500 moux naz youz reihrengx gaij baenz nazraemx de ndaej sou haeuxnaz lo, neix dwg reihrengx gaij baenz nazraemx le mbat daih' it ndaej sou. Dangqnaej daengx yienh gaij reihrengx baenz 1700 moux nazraemx. Vunzlai dangdieg baengh gaij dieg ndaem haeuxnaz le daihgaiq moux lai ndaej 1000 maenz.

(Cau Sibiz)

● Daj bi 2016 nienz daeuj, Denzyangz Gih gungh miz 9285 ranz ndaej doenghgij daigvanj iq banggungz 41174.56 fanh maenz, cienzbouh yung daeuj coengh ranzgungzhoj gij hanghmoeg hwnghat gij canjnieb dajndaem dajciengx miz daegsaek, gunghsangh, fugsah daengj. Ndaude, bineix 1 daengz 8 nyied, aen gih neix gyoepsuenq lai banh ndei gij daigvanj neix 1850 bit(faenh) 8453.08 fanh maenz.

(Vangz Gozsun)

● 9 nyied 8 hauh daengz 11 hauh, Swcigih Minzcunghvej baij aendoih diuyenz bae Mungzsanh Yen, Dwnzyen, cienmonz genjcaz doenghgij hanghmoeg aeu cienzngaenz hawj siujsiq minzcuz hwnghat.

(Sih Yuz)

● 9 nyied 16 hauh, Lingzconh Yen hai aenhohi yenvej cangzvejvei, cienmonz lwnhyaeng gij hongsaeh daengx yienh cauhaeb minzcuz doxgiet baenaj.

(Ciengj Mungzhanz)